

Austrheim kommune
Sætremarka 2

5943 Austrheim

Eidestøa, 12.02.2018

Kommuneplan for Austrheim kommune – innspel/merknad til 2. gongs offentleg ettersyn

Eide Fjordbruk AS sendte i 2017 inn to forslag til akvakulturområde, AK-område, i samanheng med arbeidet med ny kommuneplan for Austrheim kommune. Dei to forslaga til AK-område var:

- Hundvåkflua
- Senoksen

Begge forslaga til AK område var basert på grundige førehandsvurderingar utført av Rådgivende Biologer AS. Eide Fjordbruk vurderer lokalitetane som særst godt eigna for matproduksjon i sjø.

Rådgivende biologer AS vart valgt til dette arbeidet då dei har stor bredde i sin kompetanse og held eit høgt fagleg nivå. Rådgivende Biologer har gode referansar på dette fagfeltet, og vert mykje nytta både av offentlege og private institusjonar og verksemdar.

I Multiconsult sin konsekvensutgreiing (KU) er ikkje Hundvåkflua og Senoksen tilrådd avsett til akvakultur.

Eide Fjordbruk meiner at det i for liten grad er teke omsyn til dei vurderingane som kjem fram i rapport frå Rådgivende Biologer AS, og me ynskjer derfor å oppretthalde begge forslaga våre. Rådgivende biologer AS har på vegne av Eide Fjordbruk AS utarbeida eit notat der dei går gjennom vurderingane som er gjort i KU frå Multiconsult jfr. vedlegg.

Eide Fjordbruk AS vil oppretthalda forslaga på Hundvåkflua og Senoksen som akvakulturlokaliteter i kommuneplanen sin arealdel. Me meiner at lokalitetane er godt eigna for akvakultur, og at det må vera grunnlag for å kombinera dei ulike brukarinteressene som er knytta til områda.

TRADISJON FOR KVALITET

Eide Fjordbruk ynskjer å vidareutvikla selskapet sin aktivitet i Nordhordland. Gjennom vår drift i Lindås kommune meiner me at me bidrar til verdiskaping og arbeidsplassar, og håpar at dette kan utviklast vidare i Austrheim kommune.

På bakgrunn av det som kjem fram i vedlagte notat, håpar me at Austrheim kommune vil vurdere forslaga om Hundvåkflua og Senoksen som akvakulturlokaliteter på nytt. Vår oppfatning er at lokalitetane er særst godt eigna for matproduksjon i sjø, og vil kunne bidra til auka næringsverksemd i Austrheim kommune.

Med venleg helsing

Tor Johannes Hjertnes
Samfunnskontakt
Eide Fjordbruk AS

Vedlegg Notat Rådgivende Biologer AS datert 09.02.2018